

乾隆永清縣志

順天府南路廳永清縣知縣周震榮謹稟

憲臺鈞座竊

卑職

于乾隆四十二年六月內據本縣舉貢生員

劉格等二十人聯名具呈請修縣志業經通稟

各憲均蒙批飭允行在案

卑職

當卽延儒啟局依次纂修計今

全志告成遵例先繕稿本呈送

憲鑒俯俟核定飭發下縣以便開雕伏念四方輶志外史專官

五事登書行人本業筆削越昭自古制度猶烈于今我

皇上稽古爲功同文稱治典籍舊守于

冊府緘牘近發于名山典通三代史統

五朝而通典通志通考之成規續兼乎補內有統志外有省志而府

志州志縣志之纂輯偏會于全溯委窮源義實備于六十官

之敎典徵文考獻意誠本于百廿國之寶書雖云下邑圖經

要在職方掌故乃舊錄部于地里既失專官後人纂若類書
難稱惇史道存彰聞敢拘形迹之粗旨貴別裁又無畫一之
式顧名思義實懼且慚永清客適

神京地編赤縣名從唐立界自宋分沿革紛挐事名隱顯舊志
荒落史傳牴牾自順治戊戌之年訖乾隆己亥之歲年逾百
二人隔高曾見聞既少搜羅名蹟半多附會若不及時撰輯
何以傳信來茲用常簿書之條適逢紳士之請延儒啟局考
事徵文體例釐分綱條粗舉自乾隆四十二年六月開館訖
乾隆四十四年四月成書謹將編次二紀三表三圖六書政
畧一十列傳共二十五篇爲永清志稿裝潢三冊恭呈
憲鑒其記傳詩文取其有關縣事者別爲文徵五卷自爲一書
附志而行緣是全取舊文並無新著故不及重錄俟刻本告

成一體呈送合併聲明惟是卑職才愧刻鳧學慚製錦文詞

猥陋編次疎蕪伏乞

憲臺退食之餘俯賜筆削則芻蕘未議得登大雅之堂瑣屑微言悉入陶鈞之化矣永清幸甚志事幸甚謹稟

右稟

經筵講起居注官協辦大學士戶部尚書署直隸總督兼理糧餉河道英

欽命工部右侍郎提督順天等處地方學政汪

名

刑部左侍郎管理順天府府尹事務胡

名

順天府府尹吳

名

順天府府丞提督學政劉

名

直隸等處承宣布政使司布政使單

名

直隸等處提刑按察使司按察使達

名

分巡霸昌道兼理屯田驛傳糧餉熊名

綏

順天府南路捕獲河間府同知分駐霸保安大固永東大八州縣事務李名

乾隆四十四年四月

日

乾隆四十四年重修永清縣志在事諸人姓氏

監修

欽命工部右侍郎提督順天等處學政加三級汪廷璵

江南歙縣人
戊辰進士

主修

永

清

縣

知

縣周震榮

浙江嘉善人
壬申舉人

同事

永

清

縣

儒

學

教

諭劉

璵

直隸平山人
庚寅舉人

永

清

縣

儒

學

訓

導宋宗

葵

奉天遼陽州
人生員教習

纂修

候

補

國

子

監

典

籍章學

誠

浙江會稽人
戊戌進士

首事

已

卯

科

舉

人劉

格

本縣人

保舉孝廉方正生員賈澎本縣人

增貢生李輝祖本縣人

廩生劉錡本縣人

廩生朱淳本縣人

辛卯科武舉賈慶檀本縣人

武生賈慶棣本縣人

採訪庚寅科舉人張曰哲本縣人

廩生牛雲焯本縣人

生員何廷弼本縣人

生員尹大年本縣人

校對

監

生王臨清本縣人

生

員劉錫爵本縣人

收掌

廩

生趙傑功本縣人

候

選州吏

目邢天祚本縣人

生

員張易本縣人

督梓

永

清縣典

史胡繩武浙江會稽人

與事

候選儒學訓導石琴

歲貢生龔碩或

附貢生

朱澄

朱坦

廩生

王廷和

王名儒

生員 郝奇偉 武良楫 劉步瀛 王廷柱 趙秉亨

王法齡 朱士彥 陳詩 杜涓 劉棟 寶之翰

孟廷樞 李逢泰 王成名 張格 張輔世 劉甘棠

武生 孫國林 李英 高翰儒 張悅 解琰

傅友德 南景淑 段運昌

以上俱本縣人

刷卷

候補河東河工吏 目戴英山

浙江蕭山人

吏 房 書

吏劉揚

本縣人

戶 田 科 書

吏馬隆吉

浙江山陰人

戶 租 科 書

吏傅琳

浙江山陰人

戶 倉 科 書

吏余炳

浙江山陰人

庫 房 書

吏章存義

本縣人

禮

房

書

吏張楷

本縣人

兵

房

書

吏宋偉業

浙江山陰人

刑

房

書

吏張克家

本縣人

工

房

書

吏朱燦

浙江山陰人

膳錄

刑

房

書

吏章玉麟

浙江會稽人

兵

房

書

吏魏太平

浙江山陰人

倉

房

書

吏章應鳳

浙江會稽人

倉

房

書

吏段希聖

本縣人

繪圖

房

書

吏周文煥

浙江山陰人

畫

王劉永

本縣人

刻字

刻

刻

刻

經承

戶

田

科

書

工穆雄如

江寧江南江

工姚得符

江寧江南江

工唐彥儒

順天宛

吏馬隆吉

浙江山陰人

永清縣志目錄

紀二

表三

圖三

書六

政畧一

列傳十

凡二十五篇

紀二

皇言紀第一

恩澤紀第二

表三

職官表第一

選舉表第二

士族表第三

圖三

輿地圖第一

建置圖第二

水道圖第三

書六

吏書第一

戶書第二

禮書第三

兵書第四

刑書第五

工書第六

政畧一

列傳十

龍敏列傳第一

史天倪列傳第二

史天安史天祥列傳第三

史天澤列傳第四

杜時昇張恩忠郝彬列傳第五

諸賈二張劉梁列傳第六

義門列傳第七

列女列傳第八

闕訪列傳第九

前志列傳第十

皇言紀第一

永清縣志第一

臣震榮謹案史之有紀肇于呂氏春秋十二月紀漢臣司馬遷用以載述帝王行事冠冕百三十篇蓋春秋之舊法也厥後二十一家逮相祖述體肅例嚴有如律令而方州之志則多惑於地理類書之例不聞有所遵循是則振衣而不知挈領詳目而不能舉綱宜其散漫無章而失國史要刪之義矣夫古者封建之世列國自有史書然正月必係周王魯史必稱周典韓子見易象春秋以謂禮盡在于魯是也蓋著承稟所由始也後世郡縣雖在萬里之外制如古者畿甸之法乃其分門次類畧無規矩章程豈有當于周官外史之義歟周官外史掌四方之志掌三書

名於四方此見列國之書不得自擅必稟外史一成之例也

此則撰志諸家不明史學之過也

臣謹按呂氏十二月令但名為紀而漢臣司馬遷班固之徒則稱本紀原其稱本之義司馬遷意在紹法春秋顧左氏公穀專家各

為之傳而遷則一人之書更著書表列傳以為之緯故加紀以本

而明其紀之為經耳

其定名則倣世本之舊稱

班固不達其意遂併十志而題為本

志然則表傳之不加本稱者特以表稱年表傳稱列傳與本紀俱

以二字定名惟志止是單名故強配其數而不知其有害於經紀

緯傳之義也

古人配字雙單往往有之如七畧之方稱經方淮南子論稱書論之類不一而足惟無字文義乃可為之耳

至於例以義起

方志撰紀以為一書之經當矣如亦從史而稱本紀則名實混淆

非所以尊嚴國史之義也且如後世文人所著詩文有關當代人

君行事其文本非紀體而亦稱恭紀以致尊崇於義固無害也若

稱本紀則無是理矣是則方志所謂紀者臨本書之表傳則體為

經對國史之本紀則又為緯矣是以著紀而不得稱本焉

臣謹按遷固而下本紀雖法春秋而中載詔誥號令又雜尚書之

體至宋臣歐陽脩撰新唐書始用大書之法筆削謹嚴乃出遷固

之上。此則可謂善于師春秋者矣。至於方志撰紀。所以備外史之拾遺。存一方之祇奉。所謂循堂楹而測太陽之照。處牖隙而窺天光之通期。於慎輯詳誌。無所取於春秋書事之例也。是以恭錄皇言冠于首簡。與史家之例互相經緯。不可執一例以相拘焉。

臣謹按大哉王言。出於尚書。土言如絲。出於禮記。蓋三代天子稱王。所以天子之言稱王言也。後世以王言承用。據爲典故。而不知三代以後。王亦人臣之爵。凡稱天子詔詰。亦爲王言。此則拘於泥古。未見其能從時者也。夫尚書之文。臣子自稱爲朕。所言亦可稱詰。後世尊稱既定于一。則文辭必當名實相符。豈得拘執古例。不知更易。是以易王言之舊文。稱

皇言之鴻號。庶幾事從其質。而名實不淆。

臣謹按勅天之歌。載於謨典。而後史本紀。惟錄詔詰。蓋詩歌抒發

性情而詔誥施于政事故史部所收各有當也至於方志之體義在崇奉所尊於例不當別擇前總督臣李衛所修畿輔通志首列詔諭

宸章二門於義較爲允協至永清一縣密邇畿南固無

特頒詔諭若牽連諸府州縣及統該直隸全部則當載入通志又不得以永清亦在其內遂冒錄以入書如有

恩賜蠲逋賑恤則事實恭登

恩澤之紀而

詔諭所該者廣是亦未敢越界而書惟是

覃恩愷澤褒贈貤封固家乘之光輝亦邑書之弁冕是以輯而紀之御製詩章止有水窖一篇不能分置卷帙恭錄

詔諭之後以志雲漢光華云爾

工部屯田清吏司主事劉澍

奉

天承運

皇帝制曰錫類推恩朝廷之大典分猷亮采臣子之常經爾工部屯田清吏司主事劉澍才堪任用力可分猷庶事咸賴以馳驅小心克彰於夙夜慶典欣逢新綸用沛茲以覃恩授爾爲承德郎錫之勅命於戲弘敷章服之榮用勵靖共之誼欽茲寵命懋乃嘉猷制曰恪共奉職良臣旣殫厥心貞順宜淑女爰從其貴爾工部屯田清吏司主事劉澍妻高氏含章協德令儀夙著於閨闈黽勉同心內治相成於夙夜茲以覃恩封爾爲安人於戲龍章載煥用褒敬戒之勤翟弗欽承益勵柔嘉之則

勅命之寶

工部屯田清吏司主事劉澍之父母

奉

天承運

皇帝制曰資父事君臣子篤匪躬之誼作忠以孝國家弘錫類之恩爾劉鍊乃工部屯田清吏司主事劉澍之父善積於身祥開厥後教子著義方之訓傳家裕堂構之遺茲以覃恩贈爾爲承德郎工部屯田司主事錫之勅命於戲殊榮必逮於所親寵命用光夫有子承茲優渥永苾忠勤

制曰人臣報本之恩不殊於先後國家錫類之典無間於存亡爾工部屯田清吏司主事劉澍前母趙氏修厥壺倣衍爲家慶念子情之艱替宜母德之載彰茲以覃恩贈爾爲安人於戲采絢華綸流鴻庥於奕業榮施冥漠表景祐於松楸

制曰奉職在躬嘉教勞之有自推恩將母宜錫典之攸隆爾工部屯田清吏司主事劉澍母孟氏豈範宜家風協承筐之媿母儀貽穀載昭盡荻之芳茲以覃恩贈爾爲安人於戲淑德不瑕式榮象服膺寵命之有赫永賁泉壤

初任武學教授二任國子監博士三任工部屯田司主事四任本部廣衛司員外五任都水司郎中六任江南安慶等處兵備道按察司僉事七任陝西洮岷等處兵備道按察司副使八任河南專管通省河道左叅議

順治二年八月二十日

兵科副理官張學禮之父母

奉

天承運

皇帝制曰揚名顯親爲子者願以令德歸之父考績褒賢教孝者宜以高爵作之忠自用推恩特申休命爾張一成乃兵科副理官加

一級張學禮之父義方有訓式穀無慚念爾嗣之勤勞既克家而報國俾爾澤之昌大爰錫類以昭仁茲以覃恩贈爾爲通議大夫兵科副理官加一級錫之誥命於戲教誨爾子永勿忝於家聲聿修厥德尚無負於國恩欽承寵命慰爾幽靈

制曰國體勞臣必遡源而沛澤家崇詰屑爰歸善於厥生盛典維新壹儀愈著爾兵科副理官加一級張學禮母常氏幃範克端胎教居身教之先慈訓維勤能愛在能勞之後宜沛貤封用昭母德茲以覃恩贈爾爲淑人於戲子情罔極感顧復而敦孝國綸普被念劬勞以䟽榮嘉乃恩勤褒其遺範

制曰教育之恩不殊已出褒崇之典并追繼聞休命式頒令儀用著爾兵科副理官加一級張學禮繼母李氏母教維勤壹儀不忝毛裘無殊於罔極劬勞誼等於所生允協前徽宜申寵命茲以覃恩

封爾爲太淑人於戲孝恩不匱固人子之榮親內則無忝賴母儀而訓後嘉爾淑貞永膺綸綍

順治十四年三月初十日

陝西興武營中軍守備盧成儒之父母

奉

天承運

皇帝制曰寵綏國爵式嘉閭閻之勞蔚起門風用表庭闈之訓爾盧振邦陝西興武營中軍守備盧成儒之父義方啟後穀似光前積善在躬樹良型於弓冶克家有子拓令緒於韜鈴茲以覃恩贈爾爲明威將軍陝西興武營中軍守備錫之誥命於戲錫策府之徽章洵承恩澤荷天家之休命永賁泉壚

制曰怙恃同恩人子勤思於將母赴桓著績王朝錫類以榮親爾陝

西興武營中軍守脩盧成儒之母鄭氏七誠嫺明三遷勤篤令儀
不忒早流珩璫之聲茲教有成果見干城之器茲以覃恩封爾爲
恭人於戲錫龍綸而煥采用答劬勞被象服以承休永膺光寵

康熙四十二年三月十八日

陝西興武營中軍守備盧成儒并妻繼室

天承運

皇帝制曰區畫軍屯兵食聿關大計賢勞王事人臣實有常經爾陝
西興武營中軍守備盧成儒展力戎旃留心武備伍符尺籍能備
簡閱之規輓粟飛芻具展精勤之績克彰前効用沛殊施茲以覃
恩特授爾明威將軍錫之誥命於戲無忘介冑之勞祇承異渥式
荷絲綸之寵益有新猷

初任
今職

制曰策府疏勲甄武臣之茂績寢門治業闡賢助之徽音爾陝西興武營中軍守脩盧成儒之妻王氏毓質名閨作嬪右族擢蘋采藻夙彰宜室之風說禮敦詩具見同心之雅茲以覃恩贈爾爲恭人於戲錫龍章於閨闈惠問常流荷嘉獎於絲綸永賁幽光

制曰澤沛丹宸式獎赴桓之績恩流彤管載揚淑慎之風爾陝西興武營中軍守脩盧成儒之繼妻王氏姆教素嫻婦功克備桐言雍肅庇內外以同心閨範修明絜後先而媲美茲以覃恩封爾爲恭人於戲表宜家之有則寵命均頒嘉繼室之能賢休光永芳

康熙四十二年三月十八日

直隸保定府高陽縣訓導張如載之父母

奉

天承運

皇帝制曰任使需才稱職志在官之美馳驅奏效報功膺錫類之仁爾張珮乃直隸保定府高陽縣訓導張如載之父雅尚素風長迎善氣弓冶克勤于庭訓箕裘丕裕夫家聲茲以覃恩賚贈爾爲修職佐郎直隸保定府高陽縣訓導錫之勅命於戲肇顯揚之盛事國典非私酬燕翼之深情臣心彌勵

制曰奉職無愆懋著勤勞之績致身有自宜酬鞠育之恩爾直隸保定府高陽縣訓導張如載之母章氏淑範宜家令儀昌後早相夫而教子俾移孝以作忠茲以覃恩賚贈爾爲八品孺人於戲賁象服之端嚴誕膺鉅典錫龍章之渙汗永播徽音

乾隆二十六年十一月二十日

永定河南岸千總高進孝之祖父母

奉

天承運

皇帝制曰策勲疆圉邇大父之恩勲錫賚絲綸表皇朝之需澤爾高
崙乃直隸永定河管南岸千總高進孝之祖父敬以持躬忠能啟
後威宣閭外家傳韜略之書澤沛天邊國有旂常之典茲以覃恩
馳贈爾爲武信佐郎直隸永定河管南岸千總錫之勅命於戲我
武維揚特起孫枝之秀賞延於世益徵遺緒之長

制曰樹豐功於行陣業著聞孫錫介福於庭幃恩推大母爾張氏乃
直隸永定河管南岸千總高進孝之祖母壺儀足式令問攸昭振
劍珮之家聲輝流奕世播絲綸之國典慶衍再傳茲以覃恩馳贈
爾爲安人於戲翟弗用光膺宏休於天闕龍章載煥錫大惠於重
泉

乾隆三十六年十一月二十五日

永定河南岸千總高進孝之父母

奉

天承運

皇帝制曰寵綬國爵式嘉閭閻之勞蔚起門風用表庭闈之訓爾高守福乃直隸永定河營南岍千總高進孝之父義方啟後穀似光前積善在躬樹良型於弓冶克家有子拓令緒於韜鈴茲以覃恩封爾爲武信佐郎直隸永定河營南岍千總錫之勅命於戲錫策府之徽章洵承恩澤荷天家之庥命永耀門閭

制曰怡恃同恩人子勤思於將母赴桓著績王朝錫類以榮親爾朱氏乃直隸永定河營南岍千總高進孝之母七誠嫺明三遷勤篤令儀不忒早流珩璫之聲慈教有成果見干城之器茲以覃恩贈爾爲安人於戲錫寵綸而煥采用答劬勞被象服以承庥永光泉

壤

乾隆三十六年十一月二十五日

直隸南運河營連鎮汎把總劉悅之祖父母

奉

天承運

皇帝制曰策勲疆圉迺大父之恩勤錫賚絲綸表皇朝之需澤爾劉起祥乃直隸南運河營連鎮汎把總劉悅之祖父敬以持躬忠能啟後威宣閭外家傳韜略之書澤沛天邊國有旂常之典茲以覃恩賙贈爾爲奮武郎直隸南運河營連鎮汎把總錫之勅命於戲我武維揚特起孫枝之秀賞延於世益徵遺緒之長

制曰樹豐功於行陣業著聞孫錫介福於庭幃恩推大母爾萬氏乃直隸南運河營連鎮汎把總劉悅之祖母壹儀足式令問攸昭振

劍珮之家聲輝流奕世播絲綸之國典慶衍再傳茲以覃恩貤贈爾爲孺人於戲翟芾用光膺宏庥於天闕龍章載煥錫大惠於重泉

乾隆三十六年十一月二十五日

直隸南運河營連鎮汛把總劉悅之父母

奉

天承運

皇帝制曰寵綏國爵式嘉闕閔之勞蔚起門風用表庭闈之訓爾劉雲祿乃直隸南運河營連鎮汛把總劉悅之父義方啟後穀似光前積善在躬樹良型於弓冶克家有子拓令緒於韜鈴茲以覃恩封爾爲奮武郎直隸南運河營連鎮汛把總錫之勅命於戲錫策府之徽章洵承恩澤荷天家之庥命永耀門閭

制曰怙恃同恩人子勤恩於將母赴桓著績王朝錫類以榮親爾周氏乃直隸南運河營連鎮汎把總劉悅之母七誠嫺明三遷勤篤令儀不忒早流玕瑀之聲慈教有成果見干城之器茲以覃恩贈爾爲孺人於戲錫龍綸而煥采用啓劬勞被象服以承庥永光泉壤

制曰屬毛離婁子心銜罔極之恩并食同衣親誼 所生之重爾劉氏乃直隸南運河營連鎮汎把總劉悅之繼母婦儀純備母道賢明淑慎流徽人有禮宗之譽均平著美子爲義府之英茲以覃恩贈爾爲孺人於戲揚惠問於庭闈式承榮澤受龍章於綸軸永播幽芳

制曰屬毛離婁子心銜罔極之恩并食同衣親誼 所生之重爾周氏乃直隸南運河營連鎮汎把總劉悅之繼母婦儀純備母道賢

明淑慎流徽人有禮宗之譽均平著美子爲義府之英茲以覃恩封爾爲孺人於戲揚惠問於庭闈式承榮澤受龍章於綸軸永荷休光

乾隆三十六年十一月二十五日

西便門千總鄭德新之父母

奉

天承運

皇帝制曰寵綏國爵式嘉閥閱之勞蔚起門風用表庭闈之訓爾鄭乃西便門千總加一級鄭德新之父義方啟後穀似光前積善在躬樹良型於弓冶克家有子拓令緒於韜鈴茲以覃恩贈爾爲武信郎西便門千總加一級錫之勅命於戲錫策府之徽章洵承恩澤荷天家之庥命永賁泉壚

制曰怙恃同恩人子勤思於將母赴桓著績皇朝錫類以榮親爾戴氏乃西便門千總加一級鄭德新之母七誠嫺明三遷勤篤令儀不忒早流珩璫之聲慈教有成果見干城之器茲以覃恩贈爾爲安人於戲錫龍綸而煥采用答劬勞被象服以承庥永光泉壤
乾隆三十六年十一月二十五日
西便門千總鄭德新并妻繼室
奉

天承運

皇帝制曰國威覃布尚勤鼙鼓之思武脩勤修允重干城之選爾西便門千總加一級鄭德新材勇者聞韜鈴嫺習戎行振飭具知士五無譁軍政修明因見附循有素欣逢慶典宜煥溫綸茲以覃恩授爾爲武信郎錫之勅命於戲策幕府之勲名祇承休命荷天家

之光寵勿替成勞

制曰策府疏勲甄武臣之茂績寢門治業闡賢助之徽音爾西便門
千總加一級鄭德新之妻潘氏毓質名聞作嬪右族擢蘋采藻風
彰宜室之風說禮敦詩具見同心之雅茲以覃恩贈爾爲安人於
戲錫寵章於閨闈惠問常流荷嘉獎於絲綸永賁幽光

制曰澤沛丹宸式獎赳桓之績恩流彤管載揚淑慎之風爾西便門
千總加一級鄭德新之繼妻薄氏姆教素嫻婦功克脩樹言雍肅
庇內外以同心閨範修明絜後先而媲美茲以覃恩封爾爲安人
於戲表宜家之有則寵命均頒嘉繼室之能賢庶光永荷

乾隆三十六年十一月二十五日

丞相史天澤謚制

周制以八統詔王必先敬德漢官以列爵馭下亦自報功古有葵

章朕茲申勸故開封儀同三司平章軍國重事中書左丞相史天澤性資貞亮器宇沉雄自開國以將三軍妙契淮陰之畧至分茅而推干乘甚高孤竹之風况結知於累朝迨總戎於四紀及朕纂承之始克膺輔相之良內秉國鈞兼統機於內府外靖邊陲幾授鉞於齊壇可謂威惠之交孚抑亦忠勤之備至繼以荆蠻之蠹重煩汴省之趨維恃壯猷行策功而飲至不圖晚志遽引年以謝歸申言齒德之尊端踰典型之益開崇府第協贊廟謨方就佚於樽壺復遺憂於邊閭兼資偉算用一遐陬顧上猷之濟師方倚坐籌之勝愉中途之病革莫收卧護之勲弗飭厥終曷旌乃績宜表出群之行進登符六之階於戲國步方新天不愍遺於一老閔章加襚卿其永賁於九原縈魂有知歆予異渥可贈開府儀同三司太尉諡贈忠武公

凡前代詔誥俱附皇言之後從其類也此史天澤諡制按其時當在元世祖至元十二年爲永清誥勅之最古者史氏累代將相而所存止此則闕畧不傳者概不少矣

戶部雲南清吏司署郎中事主事劉鍊父母勅命一道

奉天承運皇帝勅曰世家兒鍊習吏事蓋有治譜焉身爲吏以作則復覩其子之間於吏而游膺朝寵斯爲是父是子人瑞而國禎者乎爾封文林郎原任山東東昌府臨清州丘縣知縣劉培乃戶部雲南清吏司署郎中事主事鍊之父文拔斧藻業紹弓裘盛德表鄭公之鄉無競識陳君之度爰持六物試宰一丘而爾精求民瘼若身與其痼痲愛若人心亦家爲之社稷陶經翩翩自喜魯棠奕奕相傳睠美蹟於望郎嘉義方於作室茲封爾爲承德郎戶部雲南清吏司主事華袞益赫於渙綸綠髮彌閔於勤勗勅曰朕聞

孝子不得語而慙若不得情而慙若凡以思也矧厥子以勞績聞
比及御門之榮弗逮迎輿之養朕甚悼焉爾贈孺人張氏乃戶部
雲南清吏司署郎中事主事劉鍊之母名家禮教圖史音暉朝夕
恪共當家業之初造潛寧獨適更操作之相皮方指松栢以爲期
忽痛蕙蘭而蚤歿幸哉有子不謂無年茲用贈爾爲安人歆承紫
綬之榮永黃堽之色勅曰匪母而如母不必其有燥濕之勤也
無子而有子不必其無孚卵之字也國恩並建而子情始鬯朕何
靳豐綸以章母德爾封孺人張氏乃戶部雲南清吏司署郎中事
主事劉鍊之繼母後爾于歸儻乃哲士珠緘玉護足閨閣之儀解
佩鳴鷄襄雲霄之業伴清風於琴鶴申遺澤於鳳麟錄心計之賢
能嘉愛慈之切至茲用封爾爲安人南國揚芬芳之懿北堂騰綸
綬之輝

奉天承運皇帝勅曰夫母地道也秋之報地德也事則單里田則
畢戶供則此乘何不致焉人子銜恤而無以自致所借唯國恩耳
爾張氏乃山東兗州府滋陽縣知縣劉鍊之母琚珩淑範芹藻椒
音拮据締經始之謀曾無暇日屈勉餘厚終之慶竟不享年爰唯
晝荻之詒殊切咏莪之感是用贈爾爲孺人儀中間以長馨耀重
泉而永懌勅曰人子之念罔極固天性然亦唯是拊育顧復其劬
勞無可解也彼生非屬毛而情同孚卵者亦胡以異焉爾張氏乃
山東兗州府滋陽縣知縣劉鍊之繼母敬慎不違柔嘉維則解佩
以繼前規鴻羽翔翔於雲路九熊而申遺教鳳毛轉徙於天池眷
惟三異之徵彌彰四德之備是用封爾爲孺人喜萱庭之永茂快
椿景以偕怡

奉天承運皇帝勅曰計曹子今日蓋亦艱甚已焦釜而應火速之

求數米以奉膺集之衆故今之通非復昔之通也務以裕陳因之積司伙飛之命非精勤敏達明而熟於計者烏能勝其任而愉快爾戶部雲南清吏司署郎中事主事劉鍊丰格魁梧器資鍾呂初蜚聲於楓陛爰綰綬於滋陽戴星殫三載之勤蠲粒活萬家之命車游熟路兩發新硯兩騰治辦於嚴封特簡訐謨於版署而爾楚珩彌潔羔羊恒勵於勿稽秦鏡獨懸鼠雀莫容其侵蝕大概小概登耗出入之數惟明予天予人輕重緩急之間允當蓋才大足供所需識遠能務其要茲以覃恩授爾階承德郎錫之勅命朕慮周桑土宿重兵於輦下頃撤撫臣而領以元戎非計之得者也居者旣與民爲二而出者途者又彼與此爲二虛絃之驚易動烏合之旅難齊壯援固當萬全輓輸亦當多算子大夫心計饒爲之其時調長策以告朕欽哉勅曰夫畹蘭圃蕙而霜露摧之輒恫乎有餘

惜爲其芳之易歇也矧結褵元配淑問先零憔悴之感宜何如已
爾戶部雲南清吏署郎中事主事劉鍊妻贈孺人趙氏夙叶鳳占
式偕燕婉爲好佩夫趙訓戒容式於班箴性以御情雅無閨閤之
氣年弗配德頓失伉儷之歡鸞輝長掩鵲警獨聞茲用贈爾爲安
人頻錫寵於青綸永揚芳於彤史勅曰國有錢穀猶家有米鹽也
而悉心於錢穀者不顧其家分理乎米鹽者能施於政國家選內
則而需恩施之典匪第以恤臣私也爾戶部雲南清吏司署郎中
事主事劉鍊繼妻孟氏後乘揚芬前徽襲美相爾在室每襲夙夜
之勤退食自公共式委蛇之度聞爾夫牽絲而理嚴邑持簪以佐
版簪先解佩環全活待哺之衆力清劔至常分鞭算之勞爾之內
績綽有可書茲封爾爲安人翟珈雅賁於山河蘋藻益勤於沼沚

初任山東兗州府海陽縣知縣二任河南府汝州伊陽縣知縣三任戶部雲南清吏司主事四
任本司署郎中事主事五任兩淮都轉運鹽使司添註運判六任工部都水清吏司主事七任

本部屯田清吏司管員郎事八任本部虞衡清吏司
郎中加太僕寺少卿九任雲南曲靖兵備道右參議

天啓二年勅命之寶

葉旺年三十歲直隸安慶府懷寧縣壽泉鄉人有姑夫丁雲三洪
武四年九月內畢指揮收充龍驤衛軍洪武八年調燕山前衛前
所洪武二十二年爲因年老取父葉茂代役洪武二十八年爲因
患病令兄葉福兒代役洪武三十二年七月內爲奸臣齊泰等變
亂祖宗成法調兵殺害親王隨駕奉天征討克懷來等處洪武三
十三年四月白溝河大戰全勝五月攻圍濟南陞小旗洪武三十
四年三月夾河大戰陣亡父葉茂先於洪武三十二年三月內差
根指揮陳善往壽州遷葬回還被獲發充宣州衛軍洪武三十五
年六月內具告仍發燕山前衛前所永樂三年五月初二日敬除
本衛所試百戶永樂十一年七月內病故旺係嫡次男年幼永樂

十二年五月初六日敬與實授百戶俸優給永樂二十一年十二月初八日欽准襲職授昭信校尉本衛所世襲百戶父葉茂贈昭信校尉管軍百戶母戴氏贈安人妻孟氏封安人

兵部車駕清吏司爲開讀事案照該本部題三等護衛官舍均有二十年之勞茲遇登極覃恩各官舍乞照帶刀控馬大漢將軍事例額天陳乞似應一視同仁以免向隅之泣除舍人照會典事例各陞校尉其指揮千百戶等官內有已經承襲祖職而仍侍衛者卽于祖職上加陞一級等因具題奉聖旨是各官侍衛先帝潛邸久効勤勞這加授職銜俱依擬王天名加陞都指揮僉事欽此欽遵除行該衛知會外擬合給劄爲此劄仰本官照依劄開加陞職銜一體遵照施行須至劄付者計開燕山前衛實授百戶葉欽今陞副千戶右劄付副千戶葉欽准此天啓

元年二月三十日給左軍都督府管府事寧得俟陳驗訖割付兵部爲選法事武選清吏司案呈該本部題奉欽依一給號紙以革吏弊今後每遇大選畢日查照各官黃選內父祖功次來歷及宗派親疎襲替減革緣由每員謄寫略節一張看選等官親自查對明白仍與審稿底簿同用半號印信給付本官名曰號紙其應該俸糧執此於各都司衛所比對割付卽於收支待子孫襲替執此赴部比對卽與查黃收選選後仍填恒襲替年月及所授職事侍後填註旣滿再與續給保送之日本省都司查驗起文遇有水火盜賊損失於所在官司給執照襲替到部之日另行查給其有犯罪革職例該揭黃者原問衙門追取號紙粘連招由行巡按衙門年終類繳本部以憑查革各舍母爲歇家人等欺詐須至號紙者萬歷十二年二月大選過燕山

前衛前所昭舊實授百戶一員葉東光年三十二歲字止一宗

圖

外祖丁雲三

祖葉茂

旺輔宣秀勲

查得節輩俱係有功親枝不係

犯堂例不減革字止一功次查得內黃實授百戶以上俱係洪

武年間功今本舍昭舊實授百戶比中三等字止萬歷三十六

年六月大選過燕山前衛前所帶俸實授百戶一員葉欽年三

十八歲係帶俸實授百戶葉榮光嫡長男比中三等字止崇正

十二年六月大選過燕山前衛前所實授百戶一員葉元貞年

三十歲係老實授百戶葉欽嫡長男比中三等字止對訖崇正

十二年七月二十一日給

武選清吏司審得燕山前衛舍人葉元貞准替實授百戶崇正

十二年六月二十四日給

勅刑部主事楊希孔父楊華夏

勅曰蓋聞韋著世學杜稱武庫固藉堂構之澤宏實繇芹泮之聲
遠也爾生員楊華夏乃刑部江西清吏司署員外郎事主事希孔
之父胄承華裔名列頻宮白壁違時身竟托於隱豹青箱啓後志
已行于祝鳩照爾教忠宜竝疏爵茲覃叙贈爾爲承德郎刑部江
西清吏司署員外郎事主事蘭函丕錫鴻儀永耀

勅曰自昔祥刑必資該範至如傅母進七師其意者可以教慈矣
爾榮氏乃刑部江西清吏司署員外郎事主事楊希孔之母柔貞
成性冰蘖矢心贊挽鹿于牆東志悲歌鵲屬和熊于堂北訓懋停
機廼啟雲司實藉慈廸是用贈爾爲安人爰錫之光載篤其慶
勅刑部主事楊希孔

勅曰司寇平刑以協厥中其惟明克允則郎署實贊之褒書豈有
靳焉爾刑部江西清吏司署員外郎事主事楊希孔名著鄉閭猷

宜巖邑洊歷戎署爰登比曹而爾懷切哀矜折獄祈於三省讞昭
敬忌師聽諧於九章貫索立消肺石無枉茲覃叙授爾階承德郎
錫之勅命蓋讀呂刑諸篇威而不怒慈而能斷其究歸于率乂爾
刑官也尚平亭三尺俾予從欲以治時廼之休

勅刑部主事楊希孔妻張氏

勅曰執燭持丹匪淑媛孰襄之則誓字之嘉師必藉刑于之德耦
爾刑部江西清吏司署員外郎事主事楊希孔妻張氏貞儀維則
敬德孔嘉敦孝思于親闈修其節縱矢于中僕恪乃蘋蘩克
贊花封有間蘭署是用封爵為安人

初任山東青州府營州口知縣二任本府照磨知縣三任南京東城兵馬指揮司指揮
四任刑部福建司主事五任本部湖廣司署員外郎事主事六任通政使司經歷司經歷七任
刑部四川司主事八任今職

御製詩一頁不備卷
特為錄于此

舊時北岸今南岸近舊南隄今北隄桑乾於康熙年間築隄之始原就南雍正
年以河身淤故改從北近又以河身漸淤

收從米官南出在兩河之間故康熙年之北
隄為今南隄而雍正年之南隄為今北隄矣遷就向寬資蕩漾已看汎過積淤

泥舊識黃河利不分挾沙東注向瀛濱渾流今有清流亘黃河全流
入海其力

較專至海口雖匯收沙之力益動不定下流不能獨行入海
有阻河身橫亘於中因散入諸流未過沙落故特易淤此策思量未易云新口

疏通頗吸川安瀾自可保當前都來六十年三改河自
聖祖中年始築
堤修防賜名永定六十

年間已南
北三徙云長此經行正未然給資撥地遷村墅讓水還聽一麥畊安

土不難事姑息那知深意訓盤庚

右碑在秉教村

恩澤紀第二

永清縣志第二

臣震榮謹案古者左史紀言。右史紀事。宋儒朱子以謂言爲尙書之屬。事爲春秋之屬。其說似矣。顧尙書之例。非盡紀言。而所謂紀事之法。亦不盡於春王正月一體也。周官五史之法。詳且盡矣。而記注之書。後代不可盡詳。蓋自書與春秋而外。可參考者。汲冢周書似尙書。竹書紀年似春秋而已。然而穆天子傳。獨近起居之注。其書雖若不可盡信。要亦古者記載之法。經緯表裏。各有所主。初不拘拘尙書春秋二體。而卽謂法備於是。亦可知矣。三代而後。細爲宮史。若漢武禁中起居注。馬后顯宗起居注是也。大爲時政。若唐貞觀政要。周顯德日歷是也。以時記錄。歷朝起居注是也。薈粹全書。梁太清以下實錄是也。蓋人君之德如天。晷計躔測。璣量圭度。法制周遍。乃得無所闕遺。是以周官立典。不可不詳其義。而禮

言左史右史之職誠廢一而不可者也。

臣謹按史官各自爲書所以備一書之採擇。方志各隨所及詳贍登紀所以備諸史之外篇固其宜也。史部本紀事言並載雖非春秋本旨文義猶或可通。方志敬慎採輯體當錄而不敘左右之史不分類例則法度混淆而紀載不可觀本末矣。是以畧倣左史而恭紀

皇言倣右史而恭紀

恩澤焉。

臣謹按紀體本法春秋而紀言固非列史正體。今以言冠於事則以正史本紀法具專家而方志外書本備採摭故左言屬陽而居首右事屬陰而居次事有所宜不拘拘於古法也。

臣謹案紀之與傳古人所以分別經緯初非區辨崇卑是以遷史

中有無年之紀。劉子元首以爲譏。班書自敘稱十二紀爲春秋考紀。意可知矣。自班馬而後。列史相仍。皆以紀爲尊稱。而傳乃專屬臣下。則無以解於穆天子傳與高祖孝文諸傳也。今卽列史諸帝有紀無傳之弊。論之。如人君行蹟。不如臣下之詳。篇首敘其靈徵。篇終斷其大畧。其餘年編月次。但有政事以爲志。傳之綱領。而文勢不能更及於他。則以一經一緯體自不可相兼。故也。誠以春秋大旨斷之。則本紀但具元年卽位以至大經大法。足爲事目。於義愜矣。人君行事。當參以傳體。詳載生平。冠於后妃列傳之上。是亦左氏之傳。以惠公元妃數語。先經起事。卽屬隱公。題下傳文可互證也。但紀傳崇卑分別已久。君臣一例。事理未安。則莫若一帝紀終。卽以一帝之傳。次其紀後。如鄭氏易之以象傳彖辭。附于本卦之後之例。且崇其名曰大傳。而不混列傳。則名實相符。亦似折中。

之一道也。方志紀載則分別事言，統名以紀，蓋所以備外史之是正。初無師法春秋之義例，以是不可議更張耳。

臣謹案我

朝

列聖相承，覃恩愷澤，史不絕書。永清密邇

神京，被

德尤普，而案牘或有遺軼。一時不及周詳，謹志其可考者，勒爲一典，以次

皇言之後云。

聖祖仁皇帝康熙三十三年，永清被災，奉

旨賑濟。

三十七年，永清被水災，奉

旨平糶。

五十年。

恩免天下地丁錢糧分作三年輪免直隸于本年蠲免歷年舊欠一
并免征。

五十四年順天保定河間永平宣化五府田畝被淹蠲免地丁銀
及糧米豆穀草束。

五十五年閏三月以青黃不接奉

旨發京通二倉接米分發賑濟。

五十五年十二月以秋收豐稔僅足一歲之用恐來年輸將難繼奉
旨蠲免五十六年地丁銀米豆高粱草束。

康熙六十一年。

世宗憲皇帝登極應征雍正元年正行錢糧盡行蠲免。

世宗憲皇帝雍正四年。被水歉收。奉

旨蠲免被災田畝錢糧。發帑賑糶。

今上乾隆十一年。奉

上諭。以御宇周旬。普蠲天下額征正賦。

乾隆十二年。奉

旨賑濟。并蠲緩錢糧。

乾隆十五年。奉

旨賑濟。并蠲緩錢糧。

乾隆十九年。奉

旨賑濟。并蠲緩錢糧。

乾隆二十四年。奉

旨賑濟。并蠲緩錢糧。

乾隆二十六年秋禾被水淹沒奉

旨賑濟并蠲緩錢糧。

乾隆二十七年秋禾被水淹溺奉

旨賑濟并蠲緩錢糧又欽奉

恩旨自十一月初一日起至次年四月二十日止添設粥廠並酌籌以工代賑又欽奉

恩旨于例賑停賑之後概予展賑三四兩月口糧。

乾隆三十三年雨水過多田禾淹沒奉

旨賑濟并蠲緩錢糧又欽奉

恩旨于例賑停賑後極次貧概于三月加賑一月口糧。

乾隆三十五年正月元旦奉

上諭以六旬萬壽明年恭逢

聖母皇太后八旬萬壽普天忭慶普免各省應征錢糧分作三年輪免直隸于本年全行蠲免。

永清縣遵照蠲免地丁錢糧銀六千五百二十六兩四錢七分六釐。

乾隆三十五年三月。

皇上奉

皇太后廵幸天津經過州縣節年尾欠災緩各項概行豁免並將直隸通省未完尾欠銀穀等項普予蠲除復將直隸通省自乾隆三十一年至三十三年因災緩帶征銀普行蠲免。

永清縣遵照豁免未完三十二年地丁錢糧銀一百零八兩九錢二分五釐三十三年地丁錢糧銀九百十八兩五錢四分九釐。

共銀二千七百

四錢七分四釐

乾隆三十五年秋禾被水損傷奉

旨賑濟并蠲緩錢糧又欽奉

恩旨于例賑停賑之後再行加賑一月口糧

乾隆三十六年二月初十日奉

上諭恭逢

皇太后安輿巡幸山東將上年災重各州縣因災出借自二十五年起至三十四年未完常平米穀概行豁免

永清縣遵照豁免米穀九千二百八十石零一斗

乾隆三十六年秋禾被水傷損奉

旨賑恤并蠲緩錢糧又欽奉

恩旨將極次貧民均著加恩於三月內展賑一月口糧

乾隆三十六年十一月二十五日奉

恩詔恭逢

皇太后萬壽。自二十七年起。至三十六年。因災出借常平社義等倉米穀無力貧民實不能完者。查明豁免。

永清縣遵照查明實在無力貧民不能完者。豁免米石一萬七千七百六十七石七斗九升六合。

乾隆三十八年三月奉

上諭以河工告成恭奉

皇太后安輿巡幸天津。將經過地方及天津閭閻本年應征錢糧蠲免十分之三。又將沿途經由之宛平大興良鄉房山涿州涞水易州定興容城新城雄縣任邱霸州保定文安大城武清東安永清固安等二十州縣未完三十三四五六等年。緩帶民欠銀穀并米豆普行蠲免。

永清縣遵照豁免未完三十六年帶征地糧存留銀一千四百零二兩三錢八分

乾隆三十八年三月奉

上諭祇謁

泰陵禮成取道畿南恭逢

皇太后安輿巡幸天津閱視河工所有經過地方及天津闔府所屬俱著蠲免錢糧十分之三其經山之大興宛平良鄉房山涿州霸州保定文安大城固安永清東安武清易州涿水定興新城雄縣容城任邱等州縣將

御道兩旁二三里界內應征三十八年地糧本色屯糧及各項旗租河淤等糧租查明蠲免十分之三

永清縣遵照蠲免地糧十分之三銀二兩八錢八分八釐

乾隆四十年秋禾被水淹捐奉

旨賑恤并蠲緩錢糧又欽奉

恩旨於例賑停賑之後展賑一月口糧

乾隆四十一年二月奉

上諭以金川全境蕩平

巡幸山左將霸州保定文安大城永清河間獻縣武邑衡水寧晉武

強安平等十二州縣未完乾隆三十九年因災緩帶征地糧銀及

霸州保定文安大城永清新城安州固安蠡縣河間獻縣任邱晉

州玉田武邑衡水隆平寧晉深州安平等二十州縣未完乾隆三

十三四五六七八九等年因災出借常平穀概行蠲免

永清縣遵照蠲免未完三十九年因災緩征地糧銀一千三百零

八兩九錢六分一釐

乾隆四十一年十一月二十八日奉

上諭卽將昨歲被澇州縣未完乾隆三十五六七八九等年因災出借常平米穀著予豁免。

永清縣遵照豁免米穀九千九百四十九石五斗七升五合。

乾隆四十二年正月奉

上諭以

聖母仙馭升遐推廣

慈仁。自戊戌年爲始。普蠲天下錢糧。仍分三年輪免。直隸於戊戌年。全行蠲免。

永清縣遵照蠲免地丁錢糧銀六千五百十四兩八錢八分五釐。

